

2 Timoteo

1 Pau²lah³lo²na¹xai²na² āh¹ ũ³wha²li¹le¹nxa²ha¹wa².
 Je³su² Kris²tu³jah¹lai²na² ĩ³sa²si¹hã³ũ¹sa²jah¹lo²sa¹wa².
 Je³su² Kris²tu³jah¹lai²na² wãn³txai³tã²
 ĩ³hen³txi³si¹ha¹jau³su² ĩ³sa²si¹hã³ũ¹sa²na²hẽ³la².
 Ju¹tai²li² Txa²wã¹sũ³na² Si³yxau³jah¹la²
 ten³nũn³jau³sa²na³la². Nxe³ha²kxai³ Je³su²
 Kris²tu³jah¹la² wãn³txai³tã² ka³ten³yau³xa²
 ũ³hũ¹sa²jau³xai³tã² yxo²ĩ²nũ³na¹kxa²
 ĩ³yau¹ũ³nxa²te³lhxã³ nxe³ye¹nxa²ha¹wa².

2 Jã¹nxe³jut³su² Ti³mo²jah³lo²si¹lxa².
 Ain³kxi²sẽ¹la². Txa²ki³lha³lxi¹lxa².
 A³lxi¹nxa²ha¹nha²wa². Nxe³ha²kxai³ Txa²wã¹sũ³na²
 Si³yxau³jah¹la² Txa²wã¹wĩ³nu²su² ha²kxai³ Je³su²
 Kris²tu³jah¹la² Txa²wã¹hxi²kan¹ta² Si³yxau³jah¹lo²su²
 ha²kxai³ nxe³ya³sxã³ kãin² thãĩ³ti³la² a³lxi²nxa²si¹hi²
 wi¹lhin¹sxã³ thãĩ³ti³la² sa²hau³ko³txa²si¹hi²
 wxa²nxũ²kwai³nãũ³a² ã³nhãũ²no³txa²si¹hi²
 nxe³nxa²si¹ha¹jau³su² ten³sa³nha²wa².

Pau²lah³lai²na² ĩ³nxũ²kwai³lxũ¹jau³su²

3 Nxe³ha²kxai³ Txa²wã¹sũ³na²
 sa²nẽn¹kxi²to³ha¹wa². Txa²wĩ³nu²nãũ³xu¹tai²na²
 sa²yxo²we¹tain¹kxu¹jã¹nxa¹wa². Ju¹tai²na²
 so¹lxi³ txa²ten³sa²ju³tai²la¹wa². Nxe³na¹ha²kxai³
 ka³nxah³ta² whãĩ²na¹ a³lan²tãũ³a² whãĩ²na¹
 Txa²wã¹sũ³na² ĩ³ye³kxi²to³ha¹wa². Nxe³na¹tãũ³a²
 Sũ³na² ĩ³nxũ²kwai³lxũ¹txi³nxa²si¹ha¹jau³su²
 ĩ³ye³kxi²to³ha¹wa².

4 Nxe³ha²kxai³ ĩ³ãin²txin¹ju³tai³tã²
 ĩ²nxa²ha¹ha²kxai³ ãh¹ĩ²xi²ti³ten³khai¹nxa²ha¹nha²wa².
 ĩ³ka³lih¹nxa²ha¹ju³ta² ten³khai¹sa³nha²wa².
 Nxe³kxai²nãn²tu³ ĩ³ka³li¹ti³san¹tu¹wa².

5 Txa²wã¹sũ³na² wãn³txa² kxan²ti³
 sa²yxo²we¹tin¹ju³tai³tã² ĩ²nxa²ha¹wa². A²wi¹lhĩ¹na²
 wxa²hãĩ³na² Lo³i²ta³ka³lxa² yxo²ĩ²i² wxa²hã³ka³na²
 Eu³ni²sa³ka³lxa² yxo²ĩ²i² yah³lxi³te²sin¹yu²hẽ³la².
 Te²yã¹nxe³sxã³ wxãĩ²kxai³ yxo²ĩ²khai¹nxũ³ni¹lxa².

6 Kxã³nhxĩ¹nai³kxai³ txa²hxi²ka²
 wxa²ne³hẽh¹nxa²ha¹tai¹ti²tu³wa².
 Nxe³nxa²ha¹te³nah¹lxi¹:

— Txa²wã¹sũ³na² ã³nhxi²ka¹txa²ju³ta²
 hĩ¹na² ã³si³wxe²na³li¹. Nxa²ha¹tai¹ti²tu³wa².
 Nxẽn¹jut3su² Txa²wã¹sũ³na² ĩ³hxi²ka¹txa²ju³ta²
 ain³kxi²xi²khai¹nxe³sẽ¹la². Nxĩn¹kxai²nãn²tu³
 ĩ³nxũ²kwai³lxũ¹txi³nha¹sẽ¹la².

7 Txa²wã¹sũ³na² Yãu³ka³jxah¹la²
 nxũ²kwai³yxa³nẽ³na³la². Nxe³ha²kxai³
 a²nũ²a² yuh³lxain¹ki³ju³ta² yũ²nxa³wa².
 Te²yã¹nxe³sxã³ ĩ³nũ³kxũn³txi³nẽ³na²hẽ³la².
 A²nũ²a² yxo²ha³kxa¹ a³lxi²wa²so³tẽ³na²hẽ³la².
 Wi¹lajn³nha²ti³hit1sain¹na²hẽ³la².

8 Nxe³ha²kxai³ Je³su²jah³lai²na² wãn³txa²
 ĩ³yãu²lxi²txa³hẽ¹la². Te²yã¹nxe³sxã³ sxi²ha²
 kan²thĩ³na² ũ³tĩ¹kxi²sain¹tai¹ti²tu³wa², Je³su²jah³la²
 wãn³txa² ĩ³yau¹ũ³hai¹na¹ha²kxai³la². A²nxe³jut3su²
 ĩ³yãu²lxi²sa²nũn³txa³hẽ¹la². Hãĩ¹sxã³
 ĩ³ya³lo³ti¹sẽ¹la². Nxẽn¹kxai²nãn²tu³ Je³su²
 Kris²tu³jah¹la² wãn³txa² ĩ³yau¹ũ³ai¹nĩn¹tãu³a²
 khãuh³nxe³sain¹kxa²yã¹nxe²khãuh³nxe³nxain¹kxan²ti³
 Txa²wã¹sũ³na² hi²sen³su² ĩ³nũ³kxũn³txi³nxa²tu¹wa².

9 A²nxe³jah¹lain²txi³ kxã³nhxĩ¹nai³tã³
txa²wã¹ẽ¹nãu³ai²na² sa²wa²sut¹lsa²kxai³
ĩ³kaix¹tũ³so¹nẽ³lai¹nha²kxai³nxe³nẽ³lain¹te³nai¹ti²tu³wa²,
wi¹lhin¹ki³sxa³kxan²ti³na². Nũh¹ĩ²sxã³
o²la³kxi²nẽ³nu²hẽ³la². Nxe³sxã³ a³lxi²nẽ³ju³tai²li²
wã²nã³ũ¹hi² thãĩ³ti³la²sxã³ wi¹lĩ²nẽ³lain¹ju³ta²
wã²nã³ũ¹hi² nxe³te³lhxã³ nxe³nẽ³lain¹nu²hẽ³la².
Nxe³ju³tai²li² txa²wã¹ha³lo²a² yũ²nxa³hĩ¹nu¹tai²kxai³
kãĩ³ju³ta³nũ³a² a³la³kxi²sxã³ ã²la²
nũh¹ĩ²ta¹hxai²hẽ¹la².

10 Jã¹nxe³ju³kxai³lu² Je³su² Kris²tu³jah¹la²
txa²wã¹ẽ¹nãu³a² sa²hau³ko³tẽ³jah¹la²
wxã³tai¹ti²tu³wa². Wxã³nũ²la²
ya³lu²kxi²nẽ³na²hẽ³la². Ya³lu²kxi²nẽ³lhĩ¹nãn¹te²tu³
ya³lu²kxi²ki³kxai²nãn²tu³ yuh³lxi³nẽ³lxa³lho³la².
Je³su²jah³la² ka³ten³su² yxau²sa²tẽ³sih¹nẽ³ju³ta²
e³lxah²lxi³ĩ³tih³nxe³nẽ³na²hẽ³la².

11 Nxa²ha¹te¹ Je³su² Kris²tu³jah¹la²kxai³lu² ĩ²sxã³
ĩ³so¹sain¹na²hẽ³la².

— Sũ³na² wãn³txa² u¹lxa³nãu³a¹ ai³sxã³
ĩ³hen³txi³txai¹nhẽ³li¹. Kwa³na³nxa²ha¹ju³xai²na²
ĩ³hen³txi³txai¹nhẽ³li¹. Wãn³txa² wa³le³jau³xa²
ĩ³tih³nxe³txai¹nhẽ³li¹. Nxe³sain¹na²hẽ³la².

12 Nxe³na¹jut³su² khãuh³lxa³txi³sa³nha²wa².
Nxe³sa³kxan²ti³ ãu²li²sa²nxa³nha²wa²
Je³su² Kris²tu³jah¹la² yxo²ĩ²a¹jah¹la²
ĩ²te²sa¹wa². Wa³ka³li³yu³ta² ũ³hũ¹sai¹nha²kxai³
ĩ³hxi²kat¹sain¹tu¹wa². Nxe³sai¹nhĩ¹nãn¹te²tu³
ã³na¹sai¹nxa³lho³la². Je³su²jah³la² ã³wa³li²sxã³
a³ka³nxi²nxa³tãu³a² ã³na¹sai¹nxa³lho³la².

13 Wãn³txai²li² ya²la³tu³ jau³xai²li²
ĩ³tih³nxe³nxa²ha¹ju³xai²li² ain³so¹sẽ¹la².
ĩ³tih³nxe³nxa²ha¹kxa² yã¹nxe³sẽ¹la². A²nũ²a²

yxo²ha³kxa¹ a³lxi¹tai¹nhē³la². Je³su² Kris²tu³jah¹la²
 yxo²ʔ²sxā³ yxau²xai³ki³sa²kxai³ ju¹tai²li²
 ũ³hũ¹nē³lain¹tai¹ti²tu³wa².
 14 Txa²wā¹sũ³na² Yāu³ka³jxah¹la²
 ĩ³hxi²ka¹txa²ju³ta² ĩ²khai¹nxe³sē¹la².
 Sa²yxō²ā³txa³hē¹la².

15 Nxe³nxa²ha¹te¹ a²nũ²a²nāu³xa²
 A²si³a³ko³xan¹tũ³ka³txa² yxo²ha³kxa¹
 sa²yxō²ā³sain¹na²hē³la². Fi³je²lah³la²
 Her³mo²je³ne³sah³la² te²yā¹nxe²
 sa²yxō²ā³sain¹na²hē³la².

16 Yxān¹ta¹ O³ne³si²fo³ro³jah¹la² hai³txi³
 ti³he¹xai¹nxa³wa². Nxe³yān¹ta¹ kwa³thi³la²
 sa²hxi²tai³nha²sxā³ sxa³na¹kxan²ti³
 āu²li²sai¹nxa³hē³la². ĩ³nxũ²kwa³lxũ¹txi³sain¹to³nha²hē³la².
 Nxe³ha²kxai³ sxi²ha² yxau³tũ³ka³txa² a²yxō²ha³kxa¹
 Txa²wā¹sũ³na² thāi³ti³la² wi¹li²ain¹ju³ta²
 ten³sa³nha²wa².

17 A²nxe³jah¹la² Ro²ma²thi³na² ā³wi¹lhĩ¹nān¹te²tu³
 ā³ten³sain¹na²hē³la². Ai³lhxā³ ĩ³ha¹txi²sain¹na²hē³la².
 18 Te²yā¹nxe³sxā³ E²fe³so³thi³na²
 yxau³nũ³na¹hĩ¹nai³tā² jah¹la²kxai³ kāin²
 ā³non²ta³kxi²sain¹tai¹ti²tu³wa². Nxe³jut³su²
 Txa²wā¹hxi²kan¹ta² Si³yxau³jah¹la² a³ka³nxi²tāu³a¹
 thāi³ti³la² wi¹li²ain¹ju³ta² ten³sa³nha²wa².

2

Je³su² Kris²tu³jah¹lai²na² wān³txa²
 ya³lo³txi³ki³jau³su²

1 Txa²wē³sāi³. Je³su² Kris²tu³jah¹la² ā³nũ²nxi²sxā³
 yxau³nĩ¹nha²kxai³ thāi³ti³la² a³lxi¹nxa²ha²kxai³
 ĩ³ya³lo³ti¹sē¹la².

2 Wãn³txa² wi¹jau³xa²ĩ³tih³nxe³nxa²ha¹tai¹ti²tu³wa².
 A²nũ²a² ka³lxa¹te²nũ³xa² ĩ²nẽ³lain¹tai¹ti²tu³wa².
 A²nxe³jau³xai²na² a²nũ²a² ã³xa² ya³nãn³ta³ki²la²sxã³
 yxo²ĩ²te²na² ĩ³tih³nxe³txai¹nhẽ³la². Nxe³sxã³
 Wain³txi³ o²la³kxin¹kxai²nãn²tu³ ãh¹a²nũ²a² ã³xa²
 ĩ³tih³nxe³nyhain¹tu¹wa².

3 Nxe³ha²kxai³ kwa³jan³ta² so³ta²to² yã¹nxe³sxã³
 khãuh³lxa³txi³nha¹kxan²ti³ Je³su² Kris²tu³jah¹la²
 wãn³txa² ya³lo³txi¹sẽ¹la².

4 So³ta²to²jah¹la² yen³kxa² toh³lxi³ta² kwa²
 o²la³kxi²te²sxa³yu²hẽ³la². Yxãn¹ta¹ a²hxi²kan¹jah³la²
 a²ten³ju³ta² so¹lxi³ o²la³kxi²te²ju²hẽ³la².

5 Te²yã¹nxe³jut3su² sa³nxe³la³ki³nũ³xa²
 sa²kxai³lu² bo²la²nã³ka² tẽ³sxã³
 kwa²wa³nĩ³lo³nain¹te²jai¹ti²tu³wa². Wain³txi³
 wa³nĩ³lo³nain¹kxai²nãn²tu³ a²yo³ha² yũ³hĩ³nx2na³la².
 Yxãn¹ta¹ wain³txi³ wa³nĩ³lo³nai¹nxa³kxai²nãn²tu³
 a²yo³ha² yũ³hĩ³nx2nxa³wa².

6 Te²yã¹nxe³jut3su² hai³sxa² wa³kon³jah¹la²
 nũ³kxũn³txi³ wa³kon³ye²kxai²nãn²tu³ kxãn³nũ³a¹
 jah¹lai²na² txa²nũ² yain³txa² kãin² so¹hĩ³nx2na³la².

7 Nxe³na¹jut3su² a²si³yxau³tãu³a² ĩ²khai¹nxe³sẽ¹la².
 Nẽn¹kxai²nãn²tu³ Txa²wã¹hxi²kan¹ta² Si³yxau³jah¹la²
 wain³txi³ ĩ³yau¹ũ³nxa²tu¹wa².

8 Nxe³ha²kxai³ Je³su² Kris²tu³jah¹la²
 ya³lu²sxã³ ka³ten³su² ĩ³sa²yxau³xi²jah¹lain²txi³
 Ta³vi²yah³lu¹tai²na² a²ne³tah²nũ³su² jah¹lain²txi³
 nxe³te²jai¹ti²tu³wa². Ju¹tai²li² wãn³txa² wi¹jau³xa²
 ĩ³hen³txai¹na¹jau³xai²la¹wa². Txa²wã¹sũ³na²
 kwa³na³sain¹jau³xai²la¹wa².

9 Nxe³sain¹ju³tan¹te²kxa³ya³lhu² hĩ¹na² sxi²ha²

kan²thĩ³na² ũ³tĩ¹kxi²sain¹thĩ³na² ko³nxe³thin¹te²a²
 ũ³tĩ¹kxi²sa²thĩ³na² khãuhx3nha²sxã³ yxau³na¹wa².
 Sain¹kxan²ti³ Txa²wã¹sũ³na² wãn³txa² hxi²kan¹ti³
 ũ³tĩ¹ki²wxe³kxi³te²sxa³yu²hẽ³la².

10 Nxe³na¹jut3su² ũ³tĩ¹kxi²nha²sxã³
 yxau³na¹kxan²ti³ ya³lo³txi²sa³nha²wa². A²nũ²a²
 ã³xa² Txa²wã¹sũ³na² ĩ³sxã³ ã³yũ³so¹te²na²
 Je³su² Kris²tu³jah¹lai²na² wãn³txa² wi¹jau³xa²
 sa²yo²we¹tain¹kxai²nãn²tu³ kxãn³nãu³a¹
 Txa²wã¹sũ³na² yxau³ju³ta² wi¹lhin¹sxã³
 yxau²xai³lain¹nũn³tu¹wa². Nxe³ju³ta²li²
 ten³khaix1sa³nha²wa², khãuhx3sa³kxan²ti³na².

11 Jã¹nxe³jut3su² Je³su²jah³lai²na² wãn³txa²
 yxo²ĩ²ki³ju³tan¹te²kxa³ya³lhu²
 khãuhx3nha²sxã³ ya³lu²ki³kxan²ti³
 kxãn³nãu³a¹ Txa²wã¹sũ³na² hxi²ka²
 ka³ten³su² yxau²xai³la³kxi²ki³tu¹wa².
 Wãn³txi³khai³xai²la¹wa².

12 Khãuhx3nha²ki³jut3su² e³nxũ³ki³kxai²nãn²tu³
 kxãn³nãu³a¹ Txa²wã¹sũ³nu²su²
 te²kxai³lu² a³ka³nxi²sxã³ a³wa³li²hĩ¹na¹
 a²nũ²a² a²yo²ha³kxa¹ a²hxi²kan¹ta²
 si³yxau³tãu³lo³tain¹tu¹wa².

Nxe³hĩ¹na¹ ã³si³tẽ³kxi²ki³sxã³
 hxi²kan¹ti³hi¹tẽ³nũn³tu¹wa².
 Yxãn¹ta¹ hĩ¹na² sa²yo²ã³ain¹ki³kxai²nãn²tu³
 kxãn³nãu³a¹ sa²yo²ã³nẽ³nũn³tu¹wa².

13 Yxo²ĩ²nha²ki³ju³ta² hxi²tha³nha²sxã³
 sa²yo²ã³nha²ki³kxan²ti³ jah¹lai²li²
 hai³txi³ hxi²tha³nha²sxã³
 sa²yo²ã³nha²jah¹lo³sxa³wa².

Wã²nxũh¹en²nha²jah¹lo²sxa³wa².

Jau¹xai²na² yxo²ha³kxa¹ ya²la³tu³jau³xai²la¹wa².

*Txa²wā¹sū³na²
wi¹wa³kon³ki³jau³su²*

ĩ³āu²lxin²kxa²yaṅ³txi³su²

14 Jā¹nxe³jut3su² jau¹xai²na² yxo²ha³kxa¹ ĩ³hen³txi³txai¹nhē³la². Txa²wā¹sū³na² hi²sen³kxai³lu² ne³wā²na³ai¹nha³ta²wa². Nxa¹nñ¹te³nah¹lxi¹:

— Txa²wā¹sū³na² Si³yxau³jah¹la² ĩ²nē³na³li¹.
Nē³lha²kxai³ wān³txa² toh³lxi³jau³xa²
ĩ³ye³i³yi²lhon¹ta³kxi²nyhu¹ah³lxi³txa³hē¹li¹,
yxo²ĩ²yah³lxin¹ju³ta² ā³na¹yah³lxin¹kxa²yaṅ³ti³su¹.
Nxēn¹jau³su² nxe³txai¹nhē³la².

15 Jā¹nxe³sxā³ wa³ka³li³yu³ta² wi¹lo²la³kxi²jah¹la²
yā¹nxe² Txa²wā¹sū³na² wān³txa²
ya²la³lyau³xan²tu³ wain³txi³ ĩ³yau¹ũ³txai¹nhē³la².
Wi¹lo²la³kxin¹kxai²nān²tu³ Txa²wā¹sū³na²
yen³nāu³a² ĩ³āu²lxin¹ju³ta² yũ³nxa²hĩ³nx2nxa³wa².

16 Jā¹nxe³sxā³ wān³txa² Txa²wā¹sū³na²
ko³nxe³ti³ e³kxi²jau³xa² ā³na¹i² kwa²toh³lxi³jau³xa²
ā³na¹i² nxe³sē¹la². Nxe³jau³jau¹xai²na²
e³kxi²sxā³ kãi³jah¹la² sa²kxai³lu² ā²la²
ko³nxe³thin¹sxā³ o²la³kxi²hĩ³nx2na³la². Nxe³sxā³
Txa²wā¹sū³na² wān³txa² sa²yxo²ā³nũ³nhĩ³nx2na³la²,
ko³nxe³thin¹jah¹la²sa³.

17 Jā¹nxe³jut3su² txa²wā¹sĩ³na² jũ¹nxĩ³ton³sxā³
ko³nxe³ti³ aṅ³un³kxai²nān²tu³ hĩ³ne³ki³nũ³xa²
wxa²to¹la³kxi²nha²ki³sxa³kxai²nān²tu³
ye³jen¹na² kãin² ko³nxe³ton³nē³lhĩ³nx2na³la².
Jā¹nxe³jau³su² te²yā¹nxe³sxā³ kãin²
ko³to³nhĩ³nx2na³la². Hi³me³ne²yah³la²
Fi³le²to²jah³la² nxe²kãi³ain¹te²ju²hē³la².

18 Ya²la³lyau³xa² ã³na¹ain¹sxã³
ĩ³ki³ha¹kxain¹te³nah¹lxi¹:

— Je³su²jah³la² sa²so¹kxi²nē³ju³ta² ã²la²
ha³nãu³hi²nē³nhai¹. Ain¹jau³su² ha²kxai³
a²nũ²a² nũ³kxũn³ti³ yxo²i²xa³te²na² hi²sen³su²
Je³su²jah³lai²na² wãn³txa² wã³tain¹na²hē³la².

19 Nxa²ha¹te¹ yxo²i²ki³ju³ta² a²si³yxau³ju³ta²
ya²la³lai²la¹wa². Wxi²kan¹txi³ kan²khai¹nxe²na³la².
Nxe³sxã³ Txa²wã¹sũ³na² e³kxi²nē³te³nah¹lxi¹:

— Yxo²i²sain¹tũ³ka³txa² yxo²ha³kxa¹
ĩ²xai³te²sa¹wi¹. Te²yã¹nxũn³jau³xa²sa¹:

— Txa²wã¹sũ³na² ĩ³lxa² yxo²i²so¹te²a²
kō³nxa³thin¹ju³ta² ã³na¹tai¹lxi¹. Nxe³sain¹na²hē³la².

20 Te²yã¹nxe³jut3su² sxi²ha² kãin²thĩ³na²
yen³kxi³khai³te²a² sxi²ha² yen³kxa²
wi¹khai³te³na² yũ³hxai²tai¹ti²tu³wa². Ou²ro²tē³na²
yũ² pra²ta²tē³na² yũ² nhxai²tai¹ti²tu³wa².
Te²yã¹nxe³sxã³ kũ³we²ki²la² wi¹lxa³tē³na²
yũ³nũ³nhxai²tai¹ti²tu³wa². Hi³sa³ka³tē¹na²
yũ² kxĩh³nũ³xē¹na² yũ² nhxai²tai¹ti²tu³wa².
Te²yã¹nxe³sxã³ yen³kxa² wi¹te²a² ũ³ha¹tē³na²
yũ² yen³kxa² kō³nxe³te²a² ũ³ha¹tē³na² yũ²
nhxai²tai¹ti²tu³wa².

21 Jã¹nxe³jut3su² jau¹xai²li² kō³nxe³jau³xa²
ã³na¹ki³kxai²nãn²tu³ txa²wã¹ē¹nãu³ai²na²
wi¹lhxan³ka²ti³nha²ki³kxai²nãn²tu³ yen³kxa²
wi¹tē³hũ³nē³lhĩ³nx2na³la². Tē¹nai²li²
hxn³kxi²tēn³su² ha²kxai³ Txa²wã¹hxi²kan¹ta²
Si³yxau³jah¹la² a²wa³ka³li³yu³khai³xa²
wi¹ju³ta³nũ³a² o²la³kxi²ki³si¹jau³su²
sa²hau³ko³kxi²nē³lai¹nhĩ³nx2na³la².

22 Nxa²ha¹te¹ a²nũ²a² sa³nxe³la³ki³su² jah¹la²
 ko³nxe³ti³ kãi³ju³ta² yũ³te²ju²hẽ³la². Jã¹nxe³sxã³
 kãi³txa³hẽ¹la². Ju¹tai²li² ã³na¹txa²hẽ³la². Hãi¹sxã³
 wi¹ju³ta² so¹lxi³ nũ³kxũ³txi³ kãi³txa²hẽ³la².
 Wain³txi³ o²la³kxi¹sẽ¹la². Yxo²ĩ²khai¹nxe³sẽ¹la².
 A²nũ²a² yxo²ha³kxa¹ a³lxi²khai¹nxe³txai¹nhẽ³la².
 Nxe³sxã³ hãu²no³txain¹sxã³ yxau³jah³lxi³hẽ¹la².
 Nxe³ju³tai²na² yxo²ha³kxa¹ a²ẽ¹nãu³ai²na²
 wi¹lhin¹sxã³ Txa²wã¹sũ³na² wãn³txa²
 sa²yo²we¹te²a² nxe² kãi³ai¹nhxai²na²hẽ³la².
 Jã¹nxe³sẽ¹la².

23-24 Yxã¹ta¹ wãn³txa² wa³lxe³jau³xa² hxi²kan¹ti³
 ã³ne³wxe²nxa³jau³xa² kwa²ĩ³ye³ki²nyhu¹txa³hẽ¹la²,
 ĩ³xan³ta³kxi²nyhu¹in¹kxa²yan³txi³sa². A²nũ²a²
 kwa²to³h³lxi³te²a² kwa²he¹ki²te³lhxã³
 ĩ³ye³ĩ³yi²lhon¹ta³kxi²te²ju²hẽ³la². Yxã¹ta¹
 Txa²wã¹sũ³na² sa³wit³su² ti³hex¹te²sxa³yu²hẽ³la².
 A²nũ²a² ã³xa² thãi³ti³la² wi¹lhin¹sxã³
 ĩ²ũ¹jah¹lai²la¹wa². Wãn³txa² wi¹jau³xa² a²nũ²a²
 ya³nãn³ta³ki²la²sxã³ wain³txi³ ai²nxa³te²a²
 hxi²kan¹ti³ ĩ³tih³nxe³hĩ³nx²na³la².

25 Nxe³sxã³ wãn³txa² ya²la³lyau³xa²
 ã³ne³wxe²nxa³te²a² yxo²xũ³txi³
 ĩ³ye³kxi¹nxain¹kxan²ti³ thãi³ti³la²sxã³
 Txa²wã¹sũ³na² wãn³txa² ĩ³yau¹ũ³txai¹nhẽ³la².
 Nxai¹nĩn¹kxai²nãn²tu³ a²ko³nxain¹ju³ta²
 ã³na¹ain¹ka³tu³ Txa²wã¹sũ³na² wãn³txa²
 yxo²ĩ²si¹hai¹nĩn¹jau³su² nxe³te³lhxã³
 nxe³txai¹nhẽ³la².

26 Nxain¹kxai²nãn²tu³ Sa³ta³na²jah¹la²
 tĩh³na² ã³ai¹nhĩ³nx²na³la². Nxain¹kxai²nãn²tu³
 sa²yo²ã³sain¹te²a² ĩ²ã³nha²sxã³ wi¹lhin¹sxã³

ã³wa³li²hĩ³nx2na³la², Txa²wã¹sũ³na² wãn³txa²
sa²yxo²we¹te³lha³ka².

3

Ko³nxe³ti³kã³te²a² wxã³ju³ta²nũ³an¹jau³su²

1 Nxa²ha¹te¹ Je³su² Kris²tu³jah¹la²
wa³li²ju³ta³nũ³a² yau³so³nhĩ¹na¹ yxo²i²tũ³ka³txa²
khãuh³lxa³ti³khai¹xain¹tu¹wa², ko³nxe³ti³
kã³ain¹te²a² ka³lxa¹ha²kxai³la². Ju¹tai²li²
ne³wãn²txa³hẽ¹la².

2 Nxe³hi¹na² a²nũ²khai³xa² so¹lxi³ a³lxi²nha²
yen³kxa² so¹lxi³ yxo²kwai³ni² nxe³ain¹tu¹wa².
Yxo²ha³txe³ti³ i³ye³kxi²nha² i³kãin²ti³nha²sxã³
i³ye³i² Txa²wã¹sũ³na² i³wai³ka³si³nai¹ni²
a²wĩ³na² a²hã³ka³na² nxe³ya³sxã³ sa²yxo²ã³ai¹ni²
a²nũ²a² ã³non²ta³kxi²kxan²ti³ wi¹lxon³kai¹nxa³i²
a²ẽ¹nãu³ai²na² wi¹lhin¹te²lo³ju³ta² te³nxa³i²
nxe³ain¹tu¹wa².

3 Te²yã¹nxe³sxã³ a²nũ²a² ã³xa²
i³ãin²ta³ki²nyhu¹jau³la³ yũ²nxa³i² a²nũ²a² ã³xa²
ko³nxe³ti³ o²la³kxi²kxai²nãn²tu³ ne³wã²na³ai¹nxa³i²
ko³nxe³ti³ hã³a² i³he³son³kxi²nyhu¹i² i²li³ju³ta²
ko³nxe³thin¹sxã³ o²la³kxi² a²nũ²a² ã³xa²
kãin²khãuh³lxa³txai¹ni² wi¹lhin¹sxã³ o²la³kxi²ju³ta²
yxo²kwĩn¹kxi² nxe³ai¹nhĩ³nx2na³la².

4 Te²yã¹nxe³sxã³ a²ya³la²te²a² khãuh³lxa³tai¹ni²
i³ne³wa³nũ³ta³kxi²sxã³ kã³i² a²ẽ¹nãu³ai²na²
yxo²kãin²e³i² kwa² wa³ni³lon³ju³ta² so¹lxi³
te³nha²kxai³ Txa²wã¹sũ³na² wãn³txa² te³nxa³i²
nxe³ai¹nhĩ³nx2na³la².

5 Nxe³sxã³ Txa²wã¹sũ³na² wãn³txa² kwa²
sa²yxo²we¹kxan²ti³ a²ẽ¹nãu³ai²na² Txa²wã¹sũ³na²

nũ³kxũn³ju³ta² yxo²i²ai¹nxa³wa². Nxe³jah¹lo²su²
kxai²nãn²tu³ã³sxã³ã³waix³txai¹nhẽ³la².

6 A²nxe²kãi³te²su²te²a²he³la³kxi³su²
te²na²sa²kxai³lu²a²nũ²a²ã³xa²sxi²ha²
ã³wih¹te²ju²hẽ³la². ã³wih¹kxai²nãn²tu³txu¹ha²
yxau²xai³ta¹ka³lxa²ã³ke³tũ¹ain¹sxã³wai³nxa³jau³su²
ĩ³tih³nxe³te²ju²hẽ³la². A²nxe³ta¹ka³lxa²
kxã³nhxĩ¹nai³tã²kõ³nxe³ti³kãi³i²kwa²a²ten³jau³su²
kãi³i²nxe³te²ju²hẽ³la².

7 Wãn³txa²tah²yau³xa²wa³nũt³jau³xa²so¹lxi³
ten³kxan²ti³hai³txi³a³la³kxi²ti³he¹nxai¹nxa³wa².
Ya²la³lyau³xa²a³ti²ti³he¹nxai¹nxa³wa².

8 Jã¹nxe³sxã³kxã³nhxĩ¹nu¹tai²kxai³
Ja³ne²sah³lu¹tai²na²Jã³pre²sah³lu¹tai²na²nxe³sxã³
ya²la³lyau³xa²te³nain¹ta¹hxai²nxa³ti³ai¹ti²tu³wa².
Nxai¹nha²kxai³Moi³se²ah³lu¹tai²na²wãn³txa²
sa²yo²ã³ta¹hxai²ti³ai¹ti²tu³wa². A²nxe³jah¹lai²li²
te²yã¹nxe³kãi³ain¹te²la¹wa². Ya²la³lyau³xa²
te³nai¹nxa³i²a²hoh³lxi³su²ki³ju³ta²yũ³ai¹nxa³i²
nxe³ain¹na³la². Nxe³ain¹kxa²yu³su²Txa²wã¹sũ³na²
wãn³txa²yo²i²ki³lxi³xain¹na³la². Nxe³ain¹kxan²ti³
kãin²ki³ha³nain¹na³la².

9 A²nxe³te²na²kõ³nxe³ti³kãi³ain¹ju³tai²li²
ye³je¹na²a²nũ²a²yo²ha³kxa¹e³lai²na¹ĩ²ain¹tu¹wa².
Ja³ne²sah³lu¹tai²na²Jã³pre²sah³lu¹tai²na²
nxe³sxã³a²kõ³nxe³ti³kãi³ain¹ju³ta²e³lai²na¹
ĩ²ain¹ta¹hxai²ti³ai¹ti²tu³wa². Te²u¹jã¹xain¹tu¹wa².

*Pau²lah³lai²na² wãn³txa² i³yau¹ũ³jau³xa²
ne³ki³son³jau³su²*

10 Nxai¹nha²kxai³txai²na²sa²kxai³lu²
wãn³txa²ĩ³tih³nxai¹na¹ju³ta²ĩ²i²wi¹kãi³a¹ju³ta²
ĩ²san¹tai¹ti²tu³wa². Ain³nha¹jau³xa²yo²ha³kxa¹

ĩ²i² Je³su²jah³lai²na² wãn³txa² yxo²ĩ²a¹ju³ta²
 ĩ²i² a²nũ²a² wa³su³txi³ a³la³kxai¹nxa³kxan²ti³
 ya³nãn³ta³ki²la²sxã³ ĩ³tih³nxai¹na¹ju³ta²
 ĩ²i² a²nũ²a² a³lxai¹na¹ju³ta² ĩ²i² a²nũ²a²
 khãuh³lxã³txi³sain¹kxan²ti³ ã³na¹nxa³sxã³
 o²la³kxi²na¹ju³ta² ĩ²i² nxe³na¹ju³ta² yxo²ha³kxa¹
 ĩ²san¹tai¹ti²tu³wa².

11 Te²yã¹nxe³sxã³ kxã³nhxĩ¹nai³tã²

Ãn³ti³o³ki²a²thĩ³na² ĩ³ko²ni²a²thĩ³na²
 Lis²tra²thĩ³na² nxe³sxã³ ã³nxai³na¹hi¹nai³tã²
 ĩ³xan³ta³kxi²khaix¹sain¹tai¹ti²tu³wa².
 Khãuh³lxã³txi³khaix¹sai¹nhẽ¹la². Nxe³sain¹kxan²ti³
 Txa²wã¹sũ³na² hi²sen³su² ã³non²ta³ki²sa³hẽ¹la².
 Ju¹tai²li² ĩ²san¹tai¹ti²tu³wa².

12 Jã¹nxe³jut³su² a²nũ²a² ĩ²li³te²su²
 te²a² Je³su² Kris²tu³jah¹lai²na² wãn³txa²
 sa²yxo²we¹ti³ten³kxai²nãn²tu³ ĩ³xan³ta³kxain¹ju³ta²
 yũ² khãuh³lxã³thi¹nain¹ju³ta² yũ² nxe³ain¹tu¹wa².

13 Nxe³sxã³ a²nũ²a² ko³nxe³ti³ kãi³te²a²
 ĩ³ki³ha¹kxi² wã³nxĩn¹ki³lxo³nxe² nxain¹tu¹wa².
 A²nũ²a² ã³ke³tũ¹ain¹tu¹wa². Yxãn¹ta¹ a²nũ²a²
 ã³xa² ã³wa³li²sxã³ ã³ke³tũ¹nyhain¹nũn³tu¹wa².
 Hĩ¹na² jũ¹nxe² kãi³ain¹na³la². Ye³jen¹nãu³a² ã²la²
 kãi²non³sxã³ ko³nxe³ti³ kãi³ain¹tu¹wa².

14 Nxain¹kxan²ti³ wxãi²na² sa²kxai³lu² wãn³txa²
 ya²la³lyau³xa² ĩ³tih³nxe³nxa²sĩ¹na¹jau³xai³tã²
 yxo²ĩ²so¹sẽ¹la². Sa²yxo²ã³txa³hẽ¹la². Ya²la³lyau³xa²
 so¹lxĩ³ ĩ³tih³nxe³nxa²ha¹ju³ta² wi¹la³la³kxi¹lxã².

15 Wxa²wẽ³sĩ¹nai³tã² Txa²wã¹sũ³na²
 ũ³wha²li¹txã³nxa² ĩ²in¹tai¹ti²tu³wa². Nxe³jau³xai²li²
 yxo²ĩ²ĩ¹nha²kxai³ wxa²ẽ¹nãu³ai²na² sa²wa²sut¹sxã³
 wxa²ko³nxe³ju³ta² sa²hxan³ka³ti³nxa²tai¹ti²tu³wa²,
 Txa²wã¹sũ³na²sa³. Nxe³hĩ¹nãn¹te²tu³ Je³su²jah³la²

wãn³txa² kan²txi³ sa²yo²we¹tin¹tai¹ti²tu³wa².

16 Jã¹nxe³sxã³ kxã³nhxĩ¹nai³tã²
a²nũ²a²nãu³u¹tai²na² Txa²wã¹sũ³na² wãn³txa²
ain³kxi²sxã³ ũ³wha²li¹lain¹ta¹hxai²ti³ai¹ti²tu³wa²
Nxe³jau³xa² yxo²ha³kxa¹ wã³ko³nxa³te²tu³
Txa²wã¹sũ³na² wãn³txai²la¹wa². Nxe³sxã³
jau³jau¹xai²na² tẽ³sxã³ a²nũ²a² i³tih³nxe³i² a²nũ²a²
ko³nxe³ju³ta² wã²nã³ũ¹hi² ko³nxe³ti³ kãĩ³ju³ta²
i³wai³kxa²so¹sxã³ wain³txi³ kãĩ³ju³ta² i³yau¹ũ³hi²
nxe³te³lhxã³ kxi³jau³xai²la¹wa².

17 Nxe³jau³xai²li² sa²yo²we¹kxai²nãn²tu³
hxi²kan¹ti³ wain³txi³ o²la³kxi²hĩ³nx2na³la².
Wi¹lo²la³kxi²nũ¹hain¹te³lhxã³ sa²hau³ko³kxi²nẽ³lhĩ³nx2na³la².

4

1 Txa²wã¹sũ³na² wãn³txa² i³tih³nxe³txai¹nhẽ³la².
Wxi²kan¹sxã³ i³ye³kxi¹nxa²ha¹wa². Txa²wã¹sũ³na²
Si³yxau³jah¹lai²na² Je³su²jah³lai²na² nxe³ya³sxã³
i²yxau³kxi²nẽ³lain¹na³la². Hi¹na² ye³jen¹na² Je³su²
Kris²tu³jah¹la² wã³li²tu¹wa². Wã³li²tãu³a² a²nũ²a²
ka³ten³su² ta³nxa² ya³lu²te²su² ta³nxa² nxe³te²a²
yxo²ha³kxa¹ kãĩ³ain¹kxai³ jã¹nxe² kãĩ³ain¹kxa²
yo³ha² a³ya³tain¹tu¹wa². Wi¹kãĩ³ain¹kxai²nãn²tu³
txa²wã¹ha³lo²a² a²yo²ha³kxa¹ Hxi²kan¹ta²
Si³yxau³tãu³lo³thĩ¹na¹ wi¹la² kãĩ³in¹kxa² yo³ha²
ũ³yho³hi¹nxa²tu¹wa².

2 Nxe³ha²kxai³ Txa²wã¹sũ³na² wãn³txa²
wi¹jau³xa² ya³lo³txi²sxã³ a²nũ²a² i³yau¹ũ³tai¹nhẽ³la².
Ain³kxi²te³lhxã³ wxã³ain¹kxai²nãn²tu³
i³yau¹ũ³tai¹nhẽ³la². Yxãn¹ta¹ nxai¹nxa³kxan²ti³
ã³sxã³ i³yau¹ũ³hain¹txa³hẽ¹la². Ko³nxe³ti³
kãĩ³ain¹kxai²nãn²tu³ i³kwai²kxi¹txai¹nhẽ³la².

Yxo²i²nxa²sxã³ hxi²tha³nhain¹kxai²nãn²tu³
ya³nãn³ta³ki²la²sxã³ i³nxũ²kwai³lxũ¹sxã³
i³yau¹ũ³txai¹nhẽ³la².

3 Nxe³sxã³ kxãn³nãu³a¹ wãn³txa² ya²la³lyau³xa²
te²nai¹nxa³lho³la². Yxãn¹ta¹ wi¹le³ain¹te²a²
so¹lxi³ i³wi¹lxon³kxi²jau³xa² so¹lxi³ te³nain¹tu¹wa².
Nxe³ain¹te²su² te²an²tu³ ã³yã³nũ²kain¹tu¹wa².

4 A²nxe³te²na² wãn³txa² ain³kxi²ha²kxai³
wãn³txa² ya²la³lyau³xa² sa²yxo²ã³ain¹tu¹wa².
Nxe³sxã³ kwa²wãn³txa² toh³lxi³jau³xa² so¹lxi³
ain³kxain¹tu¹wa².

5 Nxai¹nha²kxai³ wxãi²na² sa²kxai³lu² wain³txi³
o²la³kxi¹sẽ¹la². Khãuh³lxa³txi³nhãn¹kxan²ti³
ya³lo³txi¹sẽ¹la². Txa²wã¹sũ³na²
wãn³txa² i³yau¹ũ³ai¹nãn¹ju³ta² so¹lxi³
kãi³txa²hẽ³la². Je³su²jah³la² wãn³txa²
a²nũ²a² yxo²ha³kxa¹ i³yau¹ũ³hain¹si¹jau³su²
Txa²wã¹sũ³na² kwa³na³nxa²tai¹ti²tu³wa².
Txa²wã¹sũ³na² kwa³na³nxa²jau³xa² yxo²ha³kxa¹
sa²yxo²we¹txa²hẽ³la².

6 Nĩ¹nha²kxai³ txai²na² sa²kxai³lu² ya³lu²te³lhxã³
nxa¹wa². Hai³txi³ kxã³non³nxa³lho³la². Je³su²jah³la²
wãn³txa² sa²yxo²we¹te²sa¹wa². Nxa¹ha²kxai³
ka³tẽn³su² yxau²xai³la¹ju³ta² sa²so¹kxi²sai¹nha²kxai³
ya³lu²na¹kxan²ti³ hai³txi³ ka³tẽn³sa¹ju³ta²
a³lxi²sa²nxa³nha²wa².

7 Jã¹nxa¹jut³su² Txa²wã¹sũ³na² wãn³txa²
kwa³na³sain¹jau³xa² a²yxo²ha³kxa¹ nũ³kxũn³txi³
sa²yxo²we¹ta¹hẽ³la². Nxe³na¹ha²kxai³
Je³su²jah³lai²na² wãn³txa² wã³ko³nxa³te²tu³ a²nũ²a²
i³tih³nxai¹na¹hẽ³la².

8 Kxãn³nãu³a² wain³txi³ o²la³kxi²na¹kxa²
yo³ha² yũ³sa³tu¹wa². Txa²wã¹hxi²kan¹ta²

Si³yxau³jah¹la² wain³ju³ta² so¹lxi³ kãi³jah¹la²
 nxe³te² hi²sen³su² ũ³yho³hi²sa³tu¹wa².
 Te²yã¹nxe³sxã³ Je³su² Kris²tu³jah¹lai²na²
 a³ka³nxi²ju³ta² wah³nxain¹te²a² yxo²ha³kxa¹
 ũ³yho³hain¹nũn³tu¹wa², Kxã³nãu³a¹sa².

Pau²lah³lai²na² ha³tã³nxe³jau³su²

9 Nxe³na¹jut3su² wa³su³txi³ wxã³sẽ¹la².
 Kãu³txa³hẽ¹la².

10 Nxa²ha¹te¹ Te³ma²sah³lai¹tã² a²yan³txi³nũ³a²
 a³lxi²khai¹nxe³ha²kxai³ ã³sa³na²hẽ³la². Nxe³nũ²la²
 Te³sa³lo²ni³ka²thi³na² ã³waix3tã²hẽ³la².
 Kre³sên²jah³lai¹tã² sa²kxai³lu² Ka³la²si²a²ko³xa²
 ã³waix3txi² Ti²to³jah¹lai¹tã² sa²kxai³lu²
 Tal³ma²si²a²ko³xa² ã³waix3txi² nxe³sain¹na²hẽ³la².

11 Lu²kah³la² so¹lxi³ yxau³ya³sa²na³la².
 Nxe³ha²kxai³ wxã¹tãu³a¹ Mar²ko³jah³la² tẽ³sxã³
 wxã³sẽ¹la². A²nxe³jah¹la² txa²wa³ka³li³yu³ta²
 ã³nĩ²ũ³sa²ju³ta² yũ²na³la².

12 Nxa²ha¹te¹ ti²ki³ko³ah³la² sa²kxai³lu²
 E²fe³so³thi³na² i³sa²si¹hã³ai¹na¹hẽ³la².

13 Jã¹nxa¹jut3su² Tro³a²te²thi³na²
 Kar²po³jah¹lai²na² sxi²ha² yxau³na¹hi¹nai³tã²
 txa²wã²la³ka³lo³a² ã³a¹ka³lo³nai¹tã² sa²so¹nha²kxai³
 txa²ha³teh³nxã³nxa² sa²so¹nha²kxai³
 ũ³wha²li¹la¹txã³nxa² sa²so¹nha²kxai³ nxe³sxã³
 tẽ³sxã³ wxã³sẽ¹la².

14 A³le³syã²trah³la² kwa³thi³la² o²la³kxi²jah¹la²
 ko³nxe³ti³ o²la³kxi²sain¹na²hẽ³la². Nxe³sain¹ju³ta²
 Txa²wã¹sũ³na² hxi²ka² ũ³yho³hi²tu¹wa².

15 Jã¹nxe³jut3su² wi¹li²khai¹nxe³txai¹nhẽ³la².
 Txa²wã¹wãn³txa² i³yau¹ũ³ain¹ki³jau³xai²na²

yx^{o2}kwĩn¹kxi²ha²kxai³ ĩ³hxi²ka¹te³lxa³ju³ta²
o²la³kxi²khaix1sĩn¹na²hẽ³la².

16 Nxa²ha¹te¹ Ro³ma²no²ko³xa² a²hxi²kan¹jah¹la²
ne³nxẽ³na² a²wi¹lhĩ¹na² txa²wa³ka³li³yu³ta²
ĩ³yau¹ũ³hai¹na¹hĩ¹nai³tã² a²nũ²la³ hai³txi³
ĩ³yo²nũn¹sai¹nxa³hẽ³la². A²yo²ha³kxa¹ ã³sxã³
ã³wait3san³sain¹na²hẽ³la². Nxe³sa²te²sain¹kxan²ti³
Txa²wã¹sũ³na² ne³wã²na³ain¹ju³ta² ten³sa³nha²wa².

17 Sain¹ta¹ Txa²wã¹sũ³na² hi²sen³su²
ã³non²ta³ki²sxã³ ã³nũ³kxũn³tot3sai¹nhẽ¹la².
Sai¹nha²kxai³ Txa²wã¹sũ³na² wãn³txa² yxo²ha³kxa¹
ĩ³yau¹ũ³hai¹na¹hẽ³la². Ju³te²a² nũ³ka³txi³sxa³te²a²
yx^{o2}ha³kxa¹ ain³kxi²sain¹na²hẽ³la². Nxe³sain¹jut3su²
ĩ³ya²lut1sain¹ju³ta² ã³non²ta³kxi²sain¹na²hẽ³la².

18 Jã¹nxa¹jut3su² hĩ¹na² Txa²wã¹sũ³na²
ã³non²ta³ki¹xi²sain¹tu¹wa², ko³nxe³ti³
o²la³kxi²sain¹tũ³ka³txa²sa². Sain¹kxai²nãn²tu³
Txa²wã¹sũ³na² yxau³ju³ta² sa²so¹sxã³
ũ³whxe³sain¹tu¹wa². Jã¹nxe³jut3su² Txa²wã¹sũ³na²
e³kxi²ya³sah¹lxi³wxa². Nxe²e³kxi²kĩ³te³nah¹lxi¹:

— Wxãi²na² so¹lxi³ kãin²khai¹nxi¹lxi¹. ã²la²
kãin²jah¹lo²su² yũ²nxa³wi¹. Nxe³kĩ³jau³su²
e³kxi²kĩ³sxai²na²hẽ³la². Jãx1kĩ³tu¹wa².

Te²yã¹nxe³sxã³:

— Jau¹xai²na² wain³khai¹nx2na³li¹. Ya²la³lai²la¹wi¹.
Nxe³to³kĩ³tu¹wa².

A²nũ²a² ã³xa² a²ha³ta³nxe³jau³su²

19 Jã¹nxe³jut3su² Pri³si²la³ka³lxa² A³kwi²lah³la²
nxe³sxã³ txa²ha³ta³nxa² ĩ³ye³kxi¹txai¹nhẽ³la².
Te²yã¹nxe³sxã³ O³ne³si³fo²rah³la² wẽ³ha³lxi³yu³ta²
ĩ³ye³kxi¹txai¹nũ³nhẽ¹la².

20 E³ras²to³jah³lai¹tã² sa²kxai³lu² Ko³rĩn²to²thĩ³na²
 ã³ai¹na¹hẽ³la². A³li³xa³hẽ³la². Nxa²ha¹te¹
 Tro³fi²mah³lai¹tã² sa²kxai³lu² ĩ³to³nha²kxai³
 Mi³le²to²thĩ³na² ã³ai¹na¹hẽ³la².

21 Jã¹nxe³jut³su² wxã²na² sa²kxai³lu²
 kwẽ³ko³nxa³ta³lxa¹ ĩ³ya³lo³ti¹sxã³ ã³wxã³sẽ¹la².
 Nxe³ju³ta²sa¹ Eu³bu²lah³lai¹tã² Pru³tẽn²jah³lai¹tã²
 Li²no³jah³lai¹tã² Klau²ti³o³jah³lai¹tã²
 txa²wã¹wã³tã³nãu³xa² yxo²ha³kxa¹ a²ha³ta³nxa²
 ĩ³ye³kxi²si¹hai¹na¹jau³su² e³kxi²sain¹na²hẽ³la².

22 Je³su² Kris²tu³jah¹la² Txa²wã¹hxi²kan¹ta²
 Si³yxau³jah¹la² wi¹lĩ²nxa²tu¹wa². Jã¹nxĩ¹jut³su³
 Txa²wã¹sũ³nu²kxai³lu² thã³ti³la² a³lxi¹nxa²ju³ta²
 ten³sa³nha²wa². Txai²li² Pau²lah³lo²na¹xai²na²
 ta³lun²ye¹nxa²ha¹wa².

Txa²wã¹sũ³na² Wãⁿ³txa²
New Testament in Nambikuára, Southern
(BR:nab:Nambikuára, Southern)

copyright © 2012 Wycliffe Bible Translators, Inc.

Language: Nambikuára, Southern

Translation by: Wycliffe Bible Translators, Inc.

Nambikuára, Southern [nab], Brazil

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nambikuára, Southern

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022

5198f7a7-ab9d-5d69-b112-d94960f81d2a